



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 04 сарын 09 өдөр

Дугаар A/143

Алтай хот

Гамшиг хамгаалах өндөржүүлсэн
бэлэн байдлын хугацааг сунгаж, зохион
байгуулалтын арга хэмжээ авах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшиг хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын тогтоол, Улсын Онцгой комиссын хурлын шийдвэр, аймгийн Онцгой комиссын 2021 оны 19 дүгээр хурлын шийдвэрийг тус тус үндэслэн ЗАХИРАМЖЛАХ нь:

1. Аймгийн хэмжээнд засаг захиргаа, нутаг дэвсгэрийн нэгж, төрийн болон нутгийн захиргааны байгууллага, иргэн, хуулийн этгээдийг гамшиг хамгаалах өндөржүүлсэн бэлэн байдлын зэрэгт шилжүүлсэн хугацааг 2021 оны 04 дүгээр сарын 15-ны өдрийн 06:00 цагаас 2021 оны 04 дүгээр сарын 25-ны өдрийн 00:00 цаг хүртэл сунгасугай.

2. Улаанбаатар хот болон голомтын бүс нутгаас ирэх хүсэлт гаргасан иргэдийн бүртгэл, мэдээллийг зогсоон, орох, гарах хөдөлгөөнийг бүрэн хааж, хяналтын цэгт үүрэг гүйцэтгэж байгаа бүрэлдэхүүнийг үүрэг даалгавар, удирдлага зохион байгуултаар хангаж ажиллахыг Онцгой байдлын газар, Цагдаагийн газар, Мэргэжлийн хяналтын газарт тус тус даалгасугай.

3. Аймгийн хэмжээнд үйл ажиллагаа явуулж байгаа уул уурхайн ажилчдын ээлж солилцох үйл ажиллагааг 2021 оны 04 дүгээр сарын 10-ны өдрөөс 04 дүгээр сарын 25-ны өдрийн 00:00 цаг хүртэлх хугацаанд бүрэн зогсоож, холбогдох аж ахуйн нэгжийг үүрэгжүүлэн хяналт тавьж ажиллахыг Онцгой байдлын газар, Цагдаагийн газар, Мэргэжлийн хяналтын газарт тус тус үүрэг болгосугай.

4. Голомттой бүс нутагтай хиллэдэг Дэлгэр, Бигэр, Чандмань, Эрдэнэ, Тонхил, Дарив, Хөхморьт, Жаргалан, Тайшир сум, Гуулин тосгонд хяналтын цэгүүдийг ажиллуулж, шаардлагатай тохиолдолд сум хоорондын хөдөлгөөнд иргэдийг аймаг, сумын Онцгой комиссын зөвшөөрлөөр нэвтрүүлж ажиллахыг сумын Засаг дарга нарт тус тус даалгасугай.

5. Улсын хэмжээнд улаан түвшинд шилжсэнтэй холбогдуулан архи, согтууруулах ундаагаар үйлчлэх, худалдан борлуулах, олон нийтийг хамарсан

хурал цуглаан хийх, албан томилолтоор явах, урлаг, соёлын тоглолт, спортын арга хэмжээ зохион байгуулахыг хориглосугай.

6. Гамшигт өртсөн айл өрхийн тусlamжийн барааг Улаанбаатар хотоос авах замын зардалд шаардлагатай 1,500,000 төгрөг, Ковид-19) халдвартын эсрэг дархлаажуулалтын үйл ажиллагаанд шаардлагатай 1,429,000 төгрөг, Цаг агаарт зориудаар нөлөөлөх үйл ажиллагаанд шаардагдах 3,000,000 төгрөг, хяналтын цэг, шуурхай штабт үүрэг гүйцэтгэх бүрэлдэхүүний хоол, шатахууны зардалд 4,856,820 төгрөг, нийт 10,785,820 (арван сая долоон зуун наян таван мянга найман зуун хорин) төгрөгийг аймгийн Гамшигийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.

7. Хяналтын цэг, шуурхай штабт үүрэг гүйцэтгэх бүрэлдэхүүний хоол, шатахууны зардлыг хавсралтаар байталсугай.

8. Дээрх зардлуудад холбогдох баримтыг бүрдүүлж, тайлагнаж ажиллахыг Гамшигийн сангийн нягтлан бодогч (Н.Наранцэцэг)-т даалгасугай.

9. Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Г.Чинбат)-д даалгасугай.



Аймгийн Засаг даргын 20... оны
04 дугаар сарын 09-ны өдрийн 14:00 дугаар
захирамжийн хавсралт

Д. Доржсүрэн

ЗАРДЛЫН ТООЦОО

Д/д	Нэр	Зарцуулсан ажил	Хэмжих нэгж	Тоо ширхэг	Нэг бүрийн үнэ	Нийт үнэ
1	Шатахуун	Бууцагаан, Дарви сумд дахь хяналтын цэгийн ээлж солих	литр	480	1751,5	840720
		Бууцагаан, Дарви сум дахь хяналтын цэгт мотор асаах.	литр	330	1570	518100
		Нийт шатахууны зардал				1358820
2	Хоол	Өдөрт 3 удаа /19хүн*11хоног/	ширхэг	627	5000	3135000
3	Бусад зардал	Түлээний мод /3*11хоног/	уут	33	6500	214500
		Нүүрс /3*30кг*11хоног/	кг	990	150	148500
		Нийт бусад зардал				363000
НИЙТ						4856820

—ооо—